

第四五〇册

博物彙編

藝術典

醫部

(卷)
三六—三七

古今圖書集成

中華書局影印

新學
子集

PDG

欽定古今圖書集成博物彙編藝術典

第三百四十六卷目錄

醫部彙考三百二十六

懊憹門

黃帝素問 六元正紀大論

張機金匱要略 論證治

傷寒論 傷寒證治

劉完素六書 總論證治

成無己明理論 屬傷寒證

方 梔子大黃湯 梔子湯 梔子厚朴湯 京

鍼灸

解脣門

黃帝素問 診要經終論 平人氣象論 玉機

病能論 刺要論 四時刺逆從論 示從容

靈樞經 邪氣臟腑病形篇 海論 動輸篇

李杲十書 脾胃虛靈

朱震亨心法 論證治

徐春甫古今醫統 久暫之錄

方 紫菀湯 黃芪飲子 黃芪人參湯 交泰

氣湯 益胃湯 升陽除濕湯 補虛損方

鍼灸

醫案

太息門

黃帝素問 氣交變大論 五常政大論 至真

靈樞經 經脈篇 脈論

張機金匱要略 肝中寒證

方 半夏湯 溫膽湯

鍼灸

藝術典第三百四十六卷

醫部彙考三百二十六

懊憹門

黃帝素問

六元正紀大論

火鬱之發民病甚則脊悶懊憹善暴死

註皆火熱盛而精血傷也

漢張機金匱要略

論證治

黃疸篇曰心中懊憹而熱不能食時欲吐名曰酒疸

酒黃疸心中懊憹或熱痛梔子大黃湯主之

傷寒論

傷寒證治

太陽病脈浮而動數浮則為風數則為熱動則為痛

數則為虛頭痛發熱微盜汗出而反惡寒者表未解

也醫反下之動數變遲膈內拒痛胃中空虛客氣動

膈短氣躁煩心中懊憹陽氣內陷心中因鞭則為結

胃大陷胃湯主之若不結胃但頭汗出餘處無汗劑

頸而還小便不利者身必發黃也

陽明病脈浮而緊咽燥口苦腹滿而喘發熱汗出不

惡寒反惡熱身重若發汗則躁心憤憤反譫語若加

燒針必怵惕煩躁不得眠若下之則胃中空虛客氣

動膈心中懊憹舌上胎者梔子豉湯主之若渴欲飲

水口乾舌燥者白虎加人參湯主之若脈浮發熱渴

欲飲水小便不利者豬苓湯主之

陽明病下之心中懊憹而煩胃中有燥屎者可攻腹

微滿初頭鞭後必溲不可攻之若有燥屎者宜大承

氣湯

陽明病無汗小便不利心中懊憹者身必發黃

陽明病下之其外有熱手足溫不結胃心中懊憹饑

不能食但頭汗出者梔子豉湯主之

傷寒頭痛翕翕發熱形像中風常微汗出自嘔者下

之益煩心中懊憹如飢發汗則致痊身強難以屈伸

熏之則發黃不得小便久則發欬吐

金劉完素六書

總論證治

懊憹者煩心熱躁悶亂不寧也甚者似中巴豆草烏

頭之類毒藥之狀也

懊憹煩心反復顛倒不得眠者煩熱佛鬱於內而氣

不能宣通也或胃滿結痛或頭微汗出虛煩者梔子

湯主之或氣少者加甘草一錢或嘔者及初誤以丸

藥下者加生薑半兩凡懊憹虛煩者皆用涼膈散甚

佳及宜湯濯手足使心胃結熱宣散而已心煩腹滿

坐臥不安梔子厚朴湯主之或陽明病下之後躁熱

而懊憹者三一承氣湯汗後煩躁不得眠五苓散或

涼膈散口燥呻吟錯語不得眠五苓散黃連解毒湯
煩心者涼膈散少陽證胃中煩而不嘔者小柴胡去
半夏人參加苦萆實主之
成無己明理論

屬傷寒證

傷寒懊憹何以明之懊者懊惱之懊憹者鬱悶之貌
即心中懊惱惱煩煩懊憹鬱鬱然不舒暢憤憤然
無奈比之煩悶而甚者懊憹也由下後表中陽邪乘
虛內陷鬱而不發結伏於胃心之間故如是也經曰
表未解醫反下之胃中空虛客氣動膈心中懊憹又
曰下之益煩心中懊憹如饑即是陽氣內陷為諸懊
憹也其治之法或吐或下若發汗吐下後虛煩不得
眠劇者必反覆顛倒心中懊憹與陽明病下之其外
有熱手足溫而不結胃心中懊憹饑不能食但頭汗
出二者為邪熱鬱於胃中當須梔子豉湯吐之以湧
其結熱也陽明病下之心中心懊憹而煩胃中有燥屎
者與陽明病無汗小便不利心中懊憹者必發黃二
者為邪熱結於胃中當須大承氣湯茵陳湯攻之以
滌其內熱也識諸此者吐下之不差湯劑之適當則
無不愈若當汗反吐療熱以溫則變證百出斑出黃
生者多矣

方

梔子大黃湯_{仲景}

治酒疸心中懊憹或熱痛者

梔子十四枚 大黃一兩 枳實五枚 豉一升

右四味以水六升煮取二升分溫三服

梔子湯

治發汗吐下後虛煩不得眠若劇者必反覆顛倒

心中懊憹

大梔子十四枚 豉七合

右二味以水四升先煮梔子取二升半內豉更煮

三沸去滓每服一升安者勿更服若上氣嘔逆加

橘皮二兩亦可加生薑二兩

梔子厚朴湯

治傷寒下後心煩腹滿坐臥不安者

大梔子七箇 枳實二錢 厚朴半兩去皮炙

右剉如麻豆大以水一盞半煮絞汁半盞溫服

涼膈散

一名連翹飲子治傷寒表不解半入於裏下證未

全煩心懊憹不得眠識語狂妄等熱證

連翹一兩 甘草一兩半 山梔子 薄荷葉

大黃 黃芩各半兩 砂硝一分

右為末每服二錢水一盞蜜少許同煎至七分去

滓溫服

安神丸_{東垣}

治心神煩亂怔忡兀兀欲吐胃中氣亂而熱有似

懊憹之狀皆膈上血中伏火蒸蒸然不安宜用權
衡法以鎮陰火之浮越以養上焦之元氣經云熱

淫所勝治以甘寒以苦瀉之以黃連之苦寒去心
煩除濕熱為君以甘草生地黃之甘寒瀉火補氣
滋生陰血為臣以當歸補血不足以硃砂納浮游
之火而安神明也

黃連一錢五分酒洗 硃砂一錢水飛 酒生地

酒當歸身 炙甘草各五分

右件除硃砂水飛外搗四味為細末同和勻湯浸

蒸餅為丸如黍米大每服十五丸津唾嚥下食後

懈惰門

黃帝素問

診要經終論

夏刺春分病不愈令人懈惰

三月四月人氣在脾脾病不愈故令人懈惰

平人氣象論

尺脈緩濇謂之解休安臥

緩為脾脈濇主臟氣之不足解休懈惰也此脾

臟之為病也

玉機真臟論

冬脈太過則令人解休脊脈痛而少氣不欲言

註腎為生氣之原而主閉藏太過則氣外泄而根

本反傷故為懈惰少氣生陽之氣不足故脊中痛

心主言而發原於腎根氣傷故不欲言也

氣厥論

大腸移熱於胃善食而瘦又謂之食亦

註胃主受納水穀大腸為傳導之官大腸熱邪反

逆乘於胃是以熱則消穀善食陽明燥熱則榮衛

精液不生故雖能食而瘦亦解你也謂雖能食而身體懈惰故又謂之食亦

胃移熱於膽亦曰食亦

註五臟六腑皆取決於膽膽氣燥熱則生陽不升故身體懈惰胃氣熱則消穀善饑故亦曰食亦

風論

脾風之狀多汗惡風身體怠惰四肢不欲動色薄微黃不嗜食眴在鼻上其色黃

註身體怠惰四肢不欲動脾氣病也經脈篇云是主脾所生病者食不下土位中央故眴在鼻

痺論

脾痺者四支懈惰發欬嘔汁上為大塞

註脾氣不能行於四支故四支懈惰氣痺不行故發欬也入胃之飲上輸於脾脾氣不能轉輸故嘔汁脾氣不能通調故上為大塞

病能論

帝曰有病身熱懈惰汗出如浴惡風少氣此為何病岐伯曰病名曰酒風帝曰治之奈何岐伯曰以澤瀉水各十分麋銜五分合以三指為後飯

註飲酒數醉氣聚於脾中熱盛於中故熱偏於身而四支懈惰也熱盛則生風風熱相搏是以汗出如浴而惡風少氣

刺要論

刺骨無傷髓髓傷則銷鑠肝酸體解你然不去矣

註刺骨太過則傷髓而肝酸也髓海不足則腦轉耳鳴肝酸眩冒目無所見懈怠安臥

四時刺逆從論

夏刺經脈血氣乃竭令人解你

註夏氣盛長而血氣已外出於孫絡矣若再取之於經脈則血氣內竭而令人懈惰矣

示從容論

雷公曰於此有人四支懈惰喘欬血泄而愚診之以為傷肺切脈浮大而緊愚不敢治粗工下砭石病愈多出血血止身輕此何物也帝曰子所能治知亦衆多與此病失矣譬如鴻飛亦冲於天夫聖人之治病循法守度援物比類化之冥冥循上及下何必守經

註脾病則懈惰水氣并於陽明則喘欬脈急血無所行則血泄粗工之所用砭石而病愈者治在經脈也故子之所能亦多知治經脈之法若夫一臟之精氣貫通於中土上乘於肺金則子與此病大義失之矣是以聖人之治病循陰陽之法度引物比類譬以鴻飛亦冲於天故聖人察造化之冥冥循水天之上下又何必僅守其經

今夫脈浮大虛者是脾氣之外絕去胃外歸陽明也夫二火不勝三水是以脈亂而無常也四支懈惰此脾精之不行也喘欬者是水氣并陽明也血泄者脈急血無所行也若夫以為傷肺者由失以狂也不引比類是知不明也

註陽明之氣循於脈中脾氣外絕者不行於肌腠也去胃外歸陽明者去中胃而外歸陽明之經也二火者心之君火心主包絡之相火三水者太陰所至為濕生終為注雨是地之水濕也太陽之上寒水主之通天之寒水也腎為水臟天一之癸水也夫三水太盛則火不能勝之是以脈亂無常蓋

心主血心主包絡主脈水并於脈中而君相之陽不能勝故脈亂而血妄行也四支懈惰者脾土之精氣不行於肌腠也喘欬者是下焦之水氣并於陽明之經也血泄者水氣并於脈中則脈急而無所循行故血妄行而下泄也

靈樞經

邪氣臟腑病形篇

肺脈微急為肺寒熱怠惰欬唾血引腰背胃若鼻息肉不通

註肺寒熱者皮寒熱也寒在皮毛故微急也肺主氣怠惰欬唾血引腰背胃若鼻息若有息肉而氣不通皆肺氣虛寒之所致

海論

髓海不足則腦轉耳鳴脛痠眩冒目無所見怠惰安臥

註髓海不足則精液竭精液者所以濡空竅者也是以耳為之鳴目無所見液脫者骨屬屈伸不利故脛痠而懈怠安臥

動輪篇

黃帝曰榮衛之行也上下相貫如環之無端今有其卒然遇邪氣及逢大寒手足懈惰其脈陰陽之道相輸之會行相失也氣何由還岐伯曰夫四末陰陽之會者此氣之大絡也四街者氣之徑路也故絡絕則經通四末解則氣從合相輸如環黃帝曰善此所謂如環無端莫知其紀此之謂也

註相輸之會氣從合者謂皮膚之氣血從四末而溜於脈中輸行於經而與脈中之血氣相會入於

肘膝之間而與脈中之血氣相合故曰四末解則氣從合蓋假風寒之邪以明四末乃陰陽之會氣從此而入大絡也如因邪氣所阻則手足懈惰而道路不通氣何由而環轉如四末和解則氣血輪會於脈中而環轉於氣街矣

論疾診尺篇

尺肉弱者解休安臥

註 尺肉弱則脾土虛而解休安臥
元李杲十書

脾胃虛證

脾胃之虛怠惰嗜臥四支不收時值秋燥令行濕熱少退體重節痛口苦舌乾飲食無味大便不調小便頻數不嗜食食不消兼見肺病瀝漸惡寒慘慘不樂面色惡而不和乃陽氣不伸故也當升陽益胃宜升陽益胃湯

夫脾胃虛弱必上焦之氣不足遇夏天氣熱盛損傷元氣怠惰嗜臥四支不收精神不足兩脚痿軟遇早晚寒厥日高之後陽氣將旺復熱如火乃陰陽氣血俱不足宜黃芪人參湯主之

內傷等病是心肺之氣已絕於外必怠惰嗜臥四支沉困不收此乃熱傷元氣脾主四支既為熱乘無氣以動經云熱傷氣又云熱則骨消筋緩此之謂也
朱震亨心法

論證治

凡肥人沉困怠惰是濕熱宜蒼朮茯苓滑石
凡肥白之人沉困怠惰是氣虛宜二朮人參半夏草果厚朴芍藥

凡黑瘦而沉困怠惰者是熱宜白朮黃芩
脾胃受濕沉困無力怠惰好臥
濕痰多見倦怠軟弱
明徐春甫古今醫統

久暫之殊

胃主生氣脾主運動脾胃一虛則穀氣不充脾愈無所稟脾運四支既稟氣有虧則四支倦怠無力以動故困乏而嗜臥也亦有食飽過傷以致脾難運化每食飽後則困倦而瞌睡此則食後暫有之消化之後則不然也若此者當補脾胃而兼之消導可也若是脾胃俱虛飲食少進形氣衰弱常倦怠者當大補脾胃以滋其化源而尅伐消導之劑則又不可輕用輕犯也久久滋補脾胃一健而精神斯足矣何倦怠之有哉

方

紫苑湯 衛生方

治氣虛極皮毛焦津液不通四肢無力或喘急短氣

紫苑茸洗 乾薑炮 黃芪 人參 五味子
鍾乳粉 杏仁去皮尖熬炒 甘草炙各等分

右咬咀每服四錢水一盞半生薑五片棗子一枚煎至七分去滓溫服不拘時候

黃芪飲子

治諸虛勞氣四肢倦怠骨節痠疼潮熱乏力自汗怔忡日漸黃瘦胃膈痞塞不思飲食欬嗽痰多甚則唾血

黃芪蜜炙一兩半 當歸酒浸 石斛 地骨皮
紫苑 人參 桑皮 款冬花 附子炮去皮臍
鹿茸酒蒸各一兩 半夏製七次 甘草炙各半兩
右咬咀每服四錢水一盞半生薑七片棗子一枚煎至七分去滓溫服此藥溫補榮衛枯燥者不宜用此唾血不止者加阿膠蒲黃各半兩

黃芪人參湯 東垣

治脾胃虛弱暑傷元氣怠惰嗜臥

黃芪一錢自汗過多更加一錢 升麻六分 人參 麥冬 陳皮 蒼朮無汗更加五分 白朮各五分 黃蘗酒洗 神麴炒各三分 當歸身酒洗 炙甘草各二分 五味子九箇

右件同咬咀都作一服水二盞煎至一盞去食稍熱服食遠或空心服之忌酒濕麪大料物之類及過食冷物

交泰丸

升陽氣瀉陰火調榮氣進飲食助精神寬腹中除怠惰嗜臥四肢不收沉困懶倦

巴豆霜五分 人參 桂各一錢 柴胡 白朮 川椒炒去汗并目及閉子各一錢五分 厚朴炒 苦棟酒炙 茯苓 砂仁各三錢 乾薑炮三分 川烏炮去皮臍四錢五分 吳萸湯洗七次五錢 知母四錢一半炒一半酒洗 皂角水洗去皮並殼黃連 紫苑各六錢

右除巴豆霜另入外同為極細末煉蜜為丸如梧
桐子大每服十九丸溫水送下量虛實加減厚朴秋
冬用七錢黃連用一錢半去知母

生薑和中湯

治食不下口乾虛渴四肢困倦

生甘草 炙甘草各一分 生黃芩二錢 柴胡

酒黃芩 橘皮各二分 升麻三分 蒼水一錢

人參 葛根 藥本 白朮各五分 羌活七分

右咬咀作一服水二盞生薑五片棗二枚擘開同

煎至一盞去粗稍熱服之食前

升陽益胃湯

治脾胃虛弱怠惰嗜臥四肢不舉

半夏湯洗_宜 人參 甘草炙各一兩 芍藥

防風 羌活 獨活各五錢 橘皮不去穢四錢

黃芪二兩 茯苓_{小便利不渴者勿用} 澤瀉_{勿用} 柴胡

白朮各三錢 黃連二錢

右咬咀每服三錢生薑五片棗二枚去核水三盞

同煎至一盞去粗溫服早飯午飯之間服之禁忌

如前其藥漸加至五錢止

升陽補氣湯

治飲食不時饑飽勞役胃氣不足脾氣下滯氣短

無力不耐寒熱早飯後轉增昏悶須要眠睡怠惰

四支不收懶倦動作及五心煩熱

厚朴薑製五分 升麻 羌活 白芍藥 獨活

防風 甘草炙 瀉澤各一錢 生地一錢五分

柴胡二錢五分

右為粗末每服五錢水二盞生薑三片棗二枚煎

至一盞去粗大溫服食前

益胃湯

治頭悶勞動則微痛不喜飲食四支倦怠煩躁短

氣口不知味腸鳴大便微溲黃色身體昏悶口乾

不喜飲冷

人參 黃芪蜜炙 當歸身 黃芩 甘草炙

益智仁各五分 蒼朮 白朮各一錢 陳皮

半夏 升麻 柴胡各六分

右水盞半煎八分食前服忌生冷硬物酒麪

升陽除濕湯

治脾胃虛弱不思飲食腸鳴腹痛泄瀉無度小便

黃赤四肢困倦

陳皮 半夏 白茯苓 甘草 麥芽 猪苓

澤瀉各五分 益智仁 神麴 防風 羌活

升麻各三分 蒼朮製一錢

右水二盞薑三片棗一枚煎一盞空心服

補虛損方_{本方}

治勞倦一切虛極欲垂死者肥人陰虛宜服瘦人

不宜服

蒼朮一斤泔浸一宿切用韭白一斤切同卷一宿

草烏半斤水浸一宿切用鹽四兩礬一宿炒乾

川椒四兩炒 甘草三兩

右共為末用好酒糟六斤同搗三五千杵令勻為

丸如桐子大每服三十九丸空心溫酒鹽湯任下婦

人淡酢湯下

人參補氣湯_{垣東}

黃芪一錢 熟地六分 五味子二十粒 人參

防風 升麻 黃藥 知母各七分 生地
白芍藥各五分 肉桂二分 炙甘草三分
生甘草一分

右為粗末作一服水二盞煎一盞去查空心熱服

鍼灸

素問曰足少陽之瘧令人身體解休寒不甚熱不甚

惡見人見人心惕惕然熱多汗出甚刺足少陽

靈樞曰少氣身潔潔也言吸吸也骨瘦體重懈惰不

能動補足少陽

黃帝曰人之彈者何氣使然岐伯曰胃不實則諸脉

虛諸脉虛則筋脉懈惰筋脉懈惰則行陰用力氣不

能復故為痺因其所在補分肉間

千金方曰章門主四肢懈惰喜怒

五里三陽絡天井厲兌三間主嗜臥四肢不欲動搖

醫案

東垣十書曰戊申六月初樞判白文舉年六十二素有脾胃虛損病目疾時作身面目睛俱黃小便或黃或白大便不調飲食減少氣短上氣怠惰嗜臥四肢不收至六月中目疾復作醫以瀉肝散下數行而前疾增劇予謂大黃牽牛雖除濕熱而不能走經絡下咽不入肝經先入胃中大黃苦寒重虛其胃牽牛其味至辛能瀉氣重虛肺本嗽大作蓋標實不去本虛愈甚加之適當暑雨之際素有黃證之人所以增劇也此當補脾肺之本虛瀉外經中之濕熱製清神益氣湯主之而愈

丹溪心法曰羅先生治一病僧黃瘦倦怠意羅公診其病因乃蜀人出家時其母在堂及遊浙右經七年忽一日念母之心不可遏欲歸無腰纏徒爾朝夕西望而泣以是得病時僧二十五歲羅令其隔壁泊宿每日以牛肉猪肚甘肥等煮糜爛與之凡經半月餘且時以慰諭之言勞之又曰我與鈔十錠作路費我不望報但欲救汝之死命爾察其形稍甦與桃仁承氣一日三貼下之皆是血塊痰積方止次日只與熟菜稀粥將息又半月其人遂如故又半月餘與鈔十錠遂行因大悟攻擊之法必其人充實稟質本壯乃可行也否則邪去而正氣傷小病必重重病必死衛生寶鑑曰丙辰秋楚丘縣賈君次子二十七歲病四支困倦躁熱自汗氣短飲食減少欬嗽痰涎膈膈不利大便祕形容羸削一歲間更數醫不愈或曰明醫不如福醫某處某醫雖不精方書不明脈候看證極靈治無不效人目之曰福醫頗有可信試命治之

醫至診曰此病予飽諸矣治之必效於肺膈各灸三

七壯以獨飲枳實丸消痰導滯不數服大便溏泄無度腹痛食不進愈添困篤遂卒冬予從軍回其父以告予予曰經云形氣不足病氣不足此陰陽俱不足瀉之則重不足此陰陽俱竭氣血皆盡五臟虛筋骨髓枯老者絕滅壯者不復矣不足補之此其理也令嗣久病羸瘦乃形不足氣短促乃氣不足病燥汗嗜臥四支困憊言語乃氣血皆不足也補之惟恐不及反以毒劑瀉之虛之愈虛損之又損不死何待薛氏醫按曰文選姚海山中暑頭痛發熱氣高而喘支體倦怠兩手麻木予謂熱傷元氣用人參益氣湯頓安又用補中益氣湯加麥門五味而痊

予甥范允迪欬嗽痰盛胃腹不利飲食少思支體倦怠脈浮大按之微弱服二陳枳殼等藥愈盛予曰脾肺腎虛也用補中益氣六味丸而愈一婦人腿足無力勞則倦怠予曰四支者土也此屬脾虛當用補中益氣及還少丹主之俱不從予言各執搜風天麻二九并愈風丹而頌大參李北泉時吐痰涎內熱作渴支體倦怠勞而足熱用清氣化痰益甚予曰此腎水乏而為痰法當補腎不信另進滾痰丸一服吐瀉不止飲食不入頭運眼閉始信予用六君子湯數劑胃氣漸復却用六味九月餘諸證悉愈昌平守王天成頭運惡寒形體倦怠得食稍愈勞而益甚寸關脈浮大此脾肺虛弱用補中益氣加蔓荊子而愈後因勞役發熱惡寒謔言不寐得食稍安用補中益氣湯而痊

太息門

黃帝素問

氣交變大論

歲土之復善太息

註 膽病者善太息蓋木鬱則膽氣不舒故太息以伸出之

五常政大論

少陰司天地迺燥淒淪數至脅痛善太息

註 肝膽之病也

至真要大論

歲陽明在泉燥淫所勝民病喜嘔嘔有苦善太息

註 金勝而肝膽病也

陽明之復清氣大舉病生肝脅氣歸於左善太息

註 病生肝脅氣歸於左者金乘木也善太息者木受金刑肺亦病也

靈樞經

經脈篇

膽足少陽之脈是動則病口苦善太息

註 此少陽之氣不升也少陽主初陽之生氣故膽氣升十一臟腑之氣皆升

脹論

膽脹者脅下痛腹口中苦善太息

註 此衛氣逆於城郭之中而為膽脹也

漢張機金匱要略

肝中寒證

肝中寒者兩脅不舉舌本燥善太息胃中痛不得轉側食則吐而肝出也

方
半夏湯

治膽腑實熱精神恍惚寒熱泄瀉或寢汗憎風善太息

半夏 宿薑各一錢五分 黃芩 遠志各一錢
生地黃二錢 秫米一合 酸棗仁三錢炒
右長流水煎服

溫膽湯

治心膽虛怯怔忡多驚太息

半夏製 枳實 白茯苓 陳皮 遠志各一錢
甘草五分 竹茹一丸
右水盞半薑三片棗一枚煎七分服

鍼灸

素問曰足太陰之瘧一令人不樂好太息不嗜食多寒熱一汗出病至則善嘔嘔已乃衰即取之

肝瘧者令人色蒼蒼然太息其狀若死者刺足厥陰見血

靈樞曰膽病者善太息口苦嘔宿汁心下憺憺恐人將捕之隘中咿然數睡在足少陽之本末亦視其脉之陷下者灸之其寒熱者取陽陵泉
善嘔嘔有苦長太息心中憺憺恐人將捕之邪在膽

逆在胃膽液泄則口苦胃氣逆則嘔苦故曰嘔膽取三里以下胃氣逆刺少陽血絡以閉膽逆却調其虛實以去其邪

黃帝曰人之太息者何氣使然岐伯曰憂思則心系急心系急則氣道約約則不利故太息以伸出之補手少陰心主足少陽胃之也

甲乙經曰色蒼蒼然太息如將死狀振寒漫白便難中封主之

脾虛令人病寒不樂好太息商丘主之

凡好太息不嗜食多寒熱汗出病至則善嘔嘔已乃衰即取公孫及井腧實則腸中切痛厥頭面腫起煩心狂飲多不嗜臥虛則腹脹腸中氣大滿熱痛不嗜食霍亂公孫主之

千金方曰鳩尾主心寒脹滿不得食息貫唾血厥心痛善噦心痛太息

商丘主脾虛令人病不樂好太息

日月大橫主小腹熱欲走太息

少衝主太息煩滿少氣悲驚

欽定古今圖書集成博物彙編藝術典

第三百四十七卷目錄

醫部彙考三百二十七

中蠱門

孫思邈千金方

嚴用和濟生方

樓英醫學綱目

陳士鐸石室秘錄

方大金手散 太上五蠱圖 太乙追命圖

又方 萬病回春 又方 犀角圓 又方

散 辰砂丸 保靈丹 青黛雄黃散 歸魂

散 枯梗散 石刻方 七寶丸 盡蠱散

單方 蠱皮散 又方 地榆散 苗根散 雄黃散

鍼灸

中蠱門

張機金匱要略 論飲食諸毒 果食藥穀禁

應劭風俗通 論飲食諸毒 果食藥穀禁

孫思邈千金方 論五石 論解百藥毒

張介賓景岳全書 論一切飲食毒 解一切藥

陳士鐸石室秘錄 中蠱毒

方 仙散 萬病丹 解毒丸 三因解毒丸 神

單方 夢灰散 青黛雄黃丸 又方 又方

藝術典第三百四十七卷

醫部彙考三百二十七

中蠱門

唐孫思邈千金方

論證治

蠱毒千品種種不同或下鮮血或好臥闇室不欲光

明或心性反常乍嘔乍喜或四肢沉重百節酸疼如

此種種狀貌說不可盡亦有得之三年乃死急者一

月或百日即死其死時皆有九孔中或於脅下肉中

出去所以出門常須帶雄黃麝香神丹諸大辟惡藥

則百蠱貓鬼狐狸老物精魅永不敢著人養生之家

大須慮此俗亦有灸法初中蠱於心下捺便大炷灸

一百壯并主猫鬼亦灸得愈又當足小指尖上灸三

壯當有物出酒上得者有酒出飯上得者有飯出肉

菜上得者有肉菜出即愈神驗皆於灸瘡上出

凡中蠱毒令人心腹絞痛如有物嚙或吐下血皆如

爛肉若不即治蝕入五臟盡乃死矣欲驗之法當令

病人唾水沉者是蠱不沉者非蠱也

凡人患積年時腹大便黑如漆或堅或薄或微赤者

皆是蠱也

凡人忽患下血以斷下方治更增劇者此中蠱也

凡卒患血痢或赤或黑無有多少此皆是蠱毒粗醫

以斷痢藥處之此大非也

世有拙醫見患蠱脹者遍身腫滿四肢如故小便不

甚澀以水病治之延日服水藥經五十餘日望得痊

愈日復增加奄至殞歿如此者不一學者當細尋方

可一一備述云耳

凡人中蠱有人行蠱毒以病人者若服藥知蠱主姓

名當使呼喚將去若欲知蠱主姓名者以取鼓皮燒

作末以飲服方寸匕須臾自呼蠱主姓名可謂令去

則愈又有以蛇涎合作蠱藥者飲食中使人得瘕病

此一種積年乃死療之各自有藥

宋嚴用和濟生方

論治

經書所載蠱毒有數種廣中山間人造作之以蠱蛇

之類用器盛貯聽其互相食啖有一物獨存者則

謂之蠱取其毒於酒食中能禍於人中其毒也令人

心腹絞痛如有物咬吐下血皆如爛肉若不即治蝕

人五臟即死然此病有緩有急急者倉卒十數日便

死緩者延引歲月遊周腹內氣力羸憊骨節沉重發

即心腹煩躁而病人所食之物亦變化為蠱漸侵食

腑臟則死矣死則病流注染著旁人遂成蠱注也欲

驗之法令病人唾水沉者是蠱不沉者非蠱也或含

一大豆豆脹皮脫者蠱也豆不爛脫非蠱也以鵝皮

置病人臥下勿令病人知病劇者是蠱病不劇者非

蠱也治療之法不可作他病治之切須細審古大以

敗鼓皮燒灰米飲服方寸匕須臾自呼蠱家姓名令

呼喚將去則愈凡中毒嚼生黑豆不腥白礬味甘皆

中毒也

論證治

兩廣山間人以蛇虺蜈蚣蠅蚰蟻等百蟲同暴啗

之使其自相食啖勝者為靈以祀之取其毒雜以菜

果飲食之類以害人妄意要福以圖富貴人或中之證狀萬端或年歲間人多死又有人家香火奉祀如家先者亦謂之蠱能病人世謂之蠱症以姓類屬五音故謂之五蠱此皆邊陲邪僻之地多有此事中都則蔑聞也

夫中蠱毒者令人心腹絞痛如有物吐出皆如爛肉若不即治食人五臟即死驗令病人唾水沉者即是有入行蠱毒以病人若欲知其姓名者以敗鼓皮燒作末飲服方寸匕須臾自呼蠱家姓名可語之令呼喚將去則愈治之亦有方

驗蠱之法含一大豆其豆脹皮脫者蠱也豆不脹皮不脫者非也又以鴿皮置病人臥所下勿令知覺病甚者是否則非也治療之法必須審而後行試而後可今人偶有積聚脹滿之病類乎蠱者便以為蠱尤為非也凡蠱毒之中有緩有急急者十數日便死緩者待以歲月氣力羸敗食盡五臟而後死死則其毒流注於旁入亦成蠱症矣驗知是蠱宜速服千金牙散太上五蠱圓或濟生丹砂圓

人為百藥所中傷脈浮澹而疾者生微細者死洪大而遲者生

蛇蠱飲食中得之咽中如有物噉不下吐不出悶悶心熱服馬兜鈴即吐出又服麝香一錢匕即吐蠱毒凡諸蠱多是假毒藥以投之知時宜煮大豆甘草薺芫汁飲之通除諸毒藥

山豆根不拘多少如中藥蠱毒密遣人和水研以禁聲服少許不止再服一方用酒調下二錢
食中有蠱毒令人腹內堅痛兩目青黃淋漓骨立病

變無常用鐵精細研搗雞肝和為丸桐子大食前或後酒下五丸

解毒丸治誤食毒中并有物毒救人於必死

青黛雄黃丸凡始覺中毒及蛇蠱咬癰疽纔作即服此毒氣不聚

解毒丸善治男子婦人及小兒一切積熱不解停留作毒上焦壅熱咽喉不利口乾多渴伏暑困悶霍亂不寧或山嵐瘴氣及食毒酒毒吐逆不定遊風丹毒迷惑昏困不省人事虛煩發躁赤目口瘡善解四時傷寒之疾發散瘟疫毒邪之氣及四方人不服水土一切諸毒並皆解之常服此藥補真益氣化毒除風神效不可細述

石室祕錄 臣陳士鐸著

中蠱

有中金蠱之毒如兩粵間有金蠱人收留在家用計遣之不去其初有嫁金蠱之法人家感受此蠱則子孫孫永永不脫離最可惡之物也蓋有神人作祟附在此家不肯去人家有不願者將平生所得財物并將金蠱包裹其內故意置在道旁倘人不知其故拾之而歸則金蠱附於身中而不可脫離矣再禱而再送之斷斷不能也方用雷丸三錢為末同白礬少許調勻倘見金蠱出見之時輒以末少許潲在蟲身之上立時化為紅水如血神道必然震怒作祟倘空中有聲即將此藥末聽其聲音嚮處望空灑去則神道必大罵負心而去永不復至矣其初起得物之時必然驟富物從空中來其人喜極將金蠱供之廚櫃間晨夕拜禱久之其人面如金色與金蠱相同服藥無

效又久之腹大如鼓脹矣當時蜀中盛多此風得金蠱者大約不能出五年必死而金蠱不去也又傳於子孫往往至滅門之禍

方

大金牙散 千金方

治一切蠱毒百症不詳醫所不治者

金牙 鵝骨 石膏各八分 蟬蛻七分 白木

活草子 胡燕屎 雷丸 龍牙各六分 乾漆

銅鏡鼻 梔子 龜甲 龍甲 鬼督郵 大黃

桃白皮各四分 徐長卿 桂 羚羊角 芍藥

射干 升麻 鳶尾 馬目毒公 蜂房 細辛

乾薑 硃砂 由跋 犀角屑 生甘草 狼毒

蛻螂 狼牙 雄黃 草龍膽 真珠各三分

芫花 莽草 射罔 烏梅各二分 鐵精一分

赤小豆一合 蛇蛻皮一尺 樗雞 地膽

芫青各七枚 桃奴 巴豆各二七枚

右五十味治下篩服一刀圭稍加至二刀圭帶之辟百邪治九十九種症一本有麝香無白木

太上五蠱圓

治百蠱吐血傷中心腹結氣堅塞咽喉語聲不出短氣欲死飲食不下吐逆上氣去來無常狀如鬼

崇身體浮腫心悶煩疼寒戰夢與鬼交狐狸作魅
卒得心痛上又胃脘痛如刀刺經年累歲著牀不
起悉主之

雄黃 椒目 巴豆 莽草 芫花 鬼白一作木香

真珠一作木香 礬石 藜蘆各四分 附子五分

鰾肝一分 蜈蚣二枚 蟄蟄三十枚

右十三味爲末蜜和更搗二千杵丸如小豆先食
飲服一丸餘密封勿泄藥氣十九爲一劑如不中
病後日增一丸以下利爲度當下蠱種種狀貌不
可具述下後七日將息服一劑三十年百病盡除
忌五辛

太乙追命圓

治百病若中惡氣心腹脹滿不得喘息心痛積聚
臃脹疝瘕宿食不消吐逆嘔噦寒熱癰癤蠱毒婦
人產後餘疾

蜈蚣一枚 丹砂 附子 礬石一作礬石 雄黃

藜蘆 鬼白各一分 巴豆二分

右八味爲末蜜丸如麻子一服二九日一服傷寒
一二日服一丸當汗出綿裹兩丸塞兩耳中下痢
服一丸一丸塞下部蠱毒服二丸在外膏和摩病
上在臍上吐瀉下利有瘡一丸塗之毒自出產後
餘疾服一丸耳聾絲裏塞耳

又方

治人得藥雜蠱

蟄蟄 桂心 藜蘆各如指大 芥月下土如彈大
右四味治下篩服一錢匕下蠱蛇蝦蟇蝮蛇毒俱
出

萬病圓

小品名雄黃丸治蠱症四肢浮腫肌膚消索欬逆
腹大如水狀死後轉易於家人一名蠱脹

雄黃 巴豆 莽草 鬼白各四兩 蜈蚣三枚

右五味爲末蜜和搗三千杵丸如小豆密封勿泄
氣宿勿食平旦空腹一丸一炊久不知更加一丸
當先下清水次下蠱長數寸及下蛇又下蝦蟇子
或白如膏下後作葱鼓粥補之百種煖將息

又方

治中蠱毒腹內堅如石面目青黯小便淋瀝病變

無常

殺羊皮方五寸 藜蘆四兩半 犀角 芍藥

黃連 牡丹各一兩 梔子仁七枚

右七味咬咀以水九升煮取三升分三服葛氏崔

氏俱無芍藥牡丹梔子用苦參升麻當歸

犀角圓

治蠱毒百病腹暴痛飛尸惡氣腫

犀角屑 鬼臼屑 桂心末 羚羊角屑各四錢

天雄 莽草 真珠 雄黃各一兩 蜈蚣五節

貝子五枚燒 射罔如鷄子黃大一枚 麝香

巴豆五十枚

右十三味爲末合搗蜜丸如小豆服一丸日二含
咽不知少增之卒得腹滿蜚屍服如大豆許二丸
若惡氣腫以苦酒和塗上縫袋于盛藥繫左臂辟
不祥鬼疰蠱毒可以備急

又方

大戟 蟄蟄 五月五日東引桃白皮各四分

右三味治下篩旦空腹以水一鷄子許服八捻用
二指相著如開頓服之若指頭相離取藥太多恐
能損人

又方

治中蠱下血日數十行者

巴豆二七枚 元青 藜蘆 附子 礬石各二分

右五味爲末別治巴豆合篩和相得以綿裹藥如
大豆許內下部中日三瘥

又方

治下血狀如鷄肝腹中攪痛難忍

茜根 升麻 犀角各三兩 桔梗 黃蘗

黃芩各二兩 地榆 白蘘荷各四兩

右八味咬咀以水九升煮取二升半分三服此蠱
和血用之

北地太守酒

治萬病蠱毒風氣寒熱

烏頭 甘草 芎藭 黃芩 桂心 藜蘆

附子各四兩 白薇 桔梗 半夏 柏子仁

前胡 麥門冬各六兩

右十三味七月麴十斤林米一斛如醢酒法咬咀
藥以絹袋盛之沉於甕底酒熟去糟還取藥滓以
青布袋盛沉著酒底泥頭秋七日夏五日冬十日
空腹服一合日三以知爲度藥有毒故以青布盛
之服勿中止二十日大有病出其狀如漆五十日
病悉愈婦人年五十被病連年腹中積聚冷熱不
調時時切痛邊臍絞急上氣胃滿二十餘年服藥
二七日所下三四升即愈又有女人病偏枯結產

服二十日吐黑物大如刀帶長三尺許即愈其年
生子又有女人小得癩病服十八日出血二升半
愈有人被杖崩血內癰臥著九年服藥十三日出
黑血二三升愈有人耳聾十七年服藥三十五日
鼻中出血三升耳中出黃水五升便愈古方云熹
平二年北地太守臣光上然此偏主蠱毒有人中
蠱毒者服無不愈極難瘥者不過二七日所有效
莫不備出曾有一女人年四十餘偏枯羸瘦不能
起長臥牀枕耳聾一無所聞兩手不收已經三年
余爲合之遂得平復如舊有人中蠱毒而先患風
眼因於酒傷多吐出蠱數十枚遂愈何況此酒而
不下蠱也嘉其功效有異常方故具述焉

丹砂圓黃生方下同

治蠱毒

雄黃別研 硃砂別研各半兩 巴豆去心皮油

藜蘆略炒 鬼臼各一分

右爲細末煉蜜爲圓如大豆大每服三圓空心煎
乾薑湯送下當轉下惡物并蠱等當煩悶後以鴨
爲羹食之

雄麝散

治五種蠱毒

雄黃末 麝香末各一字

右件藥取生羊肺如指大以刀割開內二末以肺
裹吞之

辰砂丸

一名丹砂丸治蠱毒從酒食中著者

辰砂 雄黃 赤足蜈蚣 續隨子各一兩

麝香二錢半

右爲末糯米飯和丸芡實大每一丸以酒化下端
午日合

保靈丹

治蠱毒諸毒一切藥毒神效

硃砂細研 大山豆根各一兩 雄黃 黃丹

麝香 黃藥子 川巴豆肥者取肉不去油

續隨子生杵末 蟬登去頭足翅各二錢半

糯米半生半炒 赤蜈蚣二條一一生一炙

右各修治入乳鉢研和於端午重陽臘日修合不
令鷄犬婦人見用糯米稀糊丸如龍眼核大陰乾
磁盒收每一丸好茶清吞下不得嚼破須臾病人
自覺心頭如拽斷皮條聲將毒物下或自口出或
大便出嫩則是血老則成蠃或蛻螂諸雜帶命之
物藥丸與凝血並下以水洗淨收可救三人如中
毒口噤即挑開下藥或蛇蝎諸毒以好酢磨傅患
處立解服藥已效如知毒害之家不必研究若訴
之其毒再發不救瘥後更忌酒肉毒食一月惟喫
飯可也或急用但擇吉日精潔修合

青黛雄黃散

凡始覺中毒及蛇蟲咬癰疽纔作即服此令毒氣
不聚

青黛 雄黃各等分

右研細新汲水調下二錢

歸魂散

凡初中蠱在膈上者當用此藥吐之

白礬 建茶各一兩

右二味爲細末每服五大錢新汲水調下頓服一
時久當吐毒食出此藥入口其味甘甜並不覺清
味者是也

桔梗散

桔梗去蘆不以多少擇味苦者剉碎微炒

右爲細末每服三錢米飲調服不拘時候此藥不
吐不利加之易爲收買多服有益如服吐利藥後
日進二三服使毒氣日漸消散不致再發動也

石刻方

治蠱毒無論年多遠近但煮一鴨卵插銀釵於內
並噲之約一食頃取視銀釵俱黑即中毒也

五倍子二兩

硫黃末一錢 丁香 木香

麝香

輕粉各小許 甘草三寸半生半炙

糯米二十粒

右用水十分於瓶內煎至七分候藥面生皺皮爲
熟絹濾去滓通口服病人平正仰臥令頭高覺腹
中有物衝心者三次即不得動若吐以盆桶盛之
如鯀魚之類乃是惡物吐罷飲茶一盞瀉亦無妨
旋煮白粥補忌生冷油膩酢醬十日後服解毒丸
三五丸經旬平復

七寶丸

治蠱毒

敗鼓皮 蠶退紙各燒存性 刺蝟皮 五倍子

續隨子 硃砂研 雄黃研各等分

右爲細末糯米稀糊和丸如梧桐子大每服七丸

空心用熱水送下

蜜髓煎

治中蠱毒令人腹內堅痛面目青黃病變無常
蜜一椀 猪骨髓研五兩

右同煎令熟分作十服日三服即瘥

樹皮散

治蠱毒下血如爛肉片心腹疼痛如有物齧若不
即治食人五臟乃死

樹木北陰白皮 桃根白皮並細剉各四兩

蟬皮灰 亂髮灰各一兩 大麻子汁五升

右先以水五盞煮樹皮桃根皮取濃汁二盞和麻
子汁每服幾汁一盞調蟬皮灰髮灰二錢匕令患

人少食旦食須臾用水一盞以雞翎引吐於水中
如牛涎諸蠱並出

又方

治中蠱毒下血如肝

蓖麻子一粒去皮 砒硝一錢

右細研作一服新汲水調下連作二三服效

地榆散

治蠱毒下血或腹痛或不痛百治不效煩渴不止

臭榆根東白皮蜜炙焙乾 地榆各半兩

右爲細末每服一錢熱米飲調下

茜根散

治蠱注下血如鷄肝體熱心腹中煩悶

茜根 川升麻 犀角屑 地榆剉 黃芩

黃連炒各一兩

右爲散每服四錢水一中盞煎至六分去查不拘
時溫服

雄黃散

治中蠱毒吐血

雄黃研二錢半 蟹螯去足翅糯米炒十四枚

賴肝炙如棗大 伏龍肝研半兩

右爲細末每服二錢匕空心以酪漿調下或吐蝦
蟆及蛇蟲等出效

單方

中蠱吐血麥麩散用小麥麩二合分爲三服以冷水
調下平日服盡當下蠱即瘥

解蠱毒生玳瑁磨汁水服一盞即消瘥

諸蠱用鰻鱧魚乾末空心服之三五度瘥一方燒炙
令香食之尤佳其魚有五色文者良

中蠱腹痛支太醫祕方以猪肝一具蜜一升同煎分
二十服或爲丸服

解白蠱毒白鴨血熱飲之

蠱疰腹痛雄貓屎燒灰水服

中惡蠱毒臘月狐腸燒末水服方寸匕

中惡蠱毒車轄脂如雞子大酒化服

蝦蟆蠱病及蚪蚪蠱心腹脹滿口乾思水不能食悶

亂大喘用車轄脂半斤漸漸服之其蠱即出

解中蠱毒生羊肺一具割開入雄黃麝香等分吞之

解蠱毒取燕屎三合炒獨蒜去皮十枚和擣丸梧子

大每服三九蠱當隨利而出

中蠱藥毒雖面青脈絕腹脹吐血者服之即活用蠶
退紙燒存性爲末新汲水服一錢

解諸蠱毒不拘草蠱蛇蠱蜈蚣蠱其狀入咽刺痛欲
死取胞衣一具洗切曝乾爲末熟水調服一錢

食中有蠱腹內堅痛面目青黃痠痺淋露骨立病變
無常鐵精丸鐵精乃煨鐵爐中如塵紫色輕者爲佳

不拘多少研末雞肝和九梧子大食前後酒下五九
七九不過十日愈

蟲毒蠱毒雄黃生礬等分端午日研化蠟丸梧子大
每服七九念藥王菩薩七遍熱水下

中蠱吐血或下血如肝鹽一斤苦酒一升煎化頻服
得吐即愈

蟲毒藥毒甘草節以真麻油浸之年久愈妙每用嚼
嚥或水煎服神妙

蛇蠱蠱毒牛蒡子煮汁服之

卒中蠱毒下血如雞肝晝夜不絕臟腑敗壞待死者
以藜荷葉密置病人蓆下勿令知之必自叫蠱主姓

名也

挑生蠱毒野葛毒并以升麻多煎頻飲之

嶺南有挑生蠱毒於飲食中行厭勝法魚肉能反生
於人腹中而人已死則陰役其家初得覺胃腹痛次

日刺入十日則生在腹中也凡胃隔痛即用升麻或
膽礬吐之若隔下痛急以米湯調礬金末二錢瀉出

惡物或合升麻礬金服之不吐即下李異嚴侍郎爲
雷州推官鞠獄得吐方活人甚多也

嶺南里人多於食中毒人漸不能食胃背漸脹先寒
似瘴用都淋藤十兩水一斗酒二升煮三升分三服

毒從小便出十日慎食毒物不瘥更服即馬兜鈴也

中諸蠱毒王瓜根大如指長三寸切以酒半升漬一宿服當吐下

外

一切蠱毒飲薺危汁立出

又方石蟹熱水磨服自下

又方霹靂礮一名雷揆出雷州并河東山澤間因雷震處掘地得之其形不一有似斧刀者有似銼刀者有二孔者取刮末服立下

雷

解中蠱毒山豆根不以多少密遣人和水研已禁聲服少許不止再服

中蠱毒吐下血如猪肝茜草根蕺菜各三兩水四升煮二升頓服即愈自當呼蠱主姓名也

金

中蠱毒以清油多飲取吐

方

菜中蛇蠱蛇毒入菜果中食令人得病各蛇蠱大豆為末酒漬絞汁服半升

人頭面上有光他人手近之如火熾者此中蠱也用蒜汁半兩和酒服之當吐出如蛇狀

解中蠱毒胡荽根搗汁半升和酒服立下神驗

方

中蠱欲死馬齒莧搗汁一升飲并傳之日四五次

卒中蠱毒或吐血或下血皆如爛肝者苦瓠一枚水二升煮一升服立吐即愈

又方用苦酒一升煮苦瓠令消服之取吐神驗

方

蠱毒用東引桃枝白皮烘乾大戟蟄蚤去足翅熬三物等分為末以井水服半方寸匕即出不出更服或因酒得以酒服因食得以食服亦可以米泔丸服

方

中蠱腹痛面目青黃淋露骨立倒覆木心桑木心亦可取一斛水淹三寸煮至二斗澄清煎五升旦服五

合取吐即愈又煎紅水服之能通經脈

金蠱蠱毒吮白礬味甘嚼黑豆不腥者即是中蠱也

石榴根皮煎濃汁服即吐出活蠱無不愈者

方

解中蠱毒用未鑽相思子十四枚杵碎為末溫水半盞和服欲吐抑之勿吐少頃當大吐非常輕者但服七枚神效

方

解中蠱毒平胃散以生漆和丸梧子大每空心溫酒下七十九至百丸

蠱毒百毒及諸熱毒時氣熱病口鼻出血用人尿尖七枚燒灰水調頓服溫覆取汗即愈勿輕此方神驗者也

方

中諸蠱毒及六畜肉毒用伏龍肝末一雞子大木服取吐

閩廣多蠱或謂凡至旅寓當扣主人云你家有無蠱毒耶問之即不行佛說解蠱毒神呪云姑蘇琢摩耶琢吾知蠱毒生四角父是穹隆窮母是耶舍女眷屬百千萬吾今悉知汝摩訶薩摩訶

中蠱毒梅師方云凡中蠱毒或下血如鵝肝或吐血或心腹切痛如有物咬不即治之食人五臟即死欲知是蠱但令病人唾於水內沉者是蠱浮者非也用敗鼓皮燒灰酒服方寸匕須臾自呼蠱主姓名

方

治蠱取敗鼓皮廣五寸長一尺薺薇根五寸如姆指大水一升酒三升煮二升服之當下蠱蟲即愈

方

蠱毒用檲樹北陰白皮一大握長五寸水三升煮取一升空腹服即吐蟲出亦治中蠱下血

方

又方蠟皮灰水服方寸匕亦出蠱

中蠱吐下血用樺皮廣五寸長一尺蘆荻根五寸二

味咬咀以水二升煮取一升頓服極下蠱

蠱毒下血狀如鷄肝日夜不解欲死桔梗犀角各等分為末酒服方寸匕日三不能自服絞口與之藥下心中當煩須臾自靜有頃下服至七日止可食猪脾臟補養

中蠱先下赤後下黃白沫連年不瘥牛膝一兩搥散切以清酒一升漬一宿平旦空腹服之再服便愈

方

鍼灸

千金方曰灸蠱毒法於足小指尖上灸三壯即有物出酒飯得之隨酒飯出肉菜得之隨肉菜出即愈神驗皆於灸瘡上出

中蠱門

漢張機金匱要略

禽獸魚蟲禁忌

凡飲食滋味以養於生食之有妨反能為害自非服藥煉液焉能不飲食乎切見時人不閑調攝疾疢競起若不因食而生苟全其生須知切忌者矣所食之味有與病相宜有與身為害若得宜則益體害則成疾以此致危例皆難療凡養藥飲汁以解毒者雖云救急不可熱飲諸毒病得熱更甚宜冷飲之肝病

第四五〇冊 之〇七葉

博物彙編藝術典第三百四十七卷醫部 中毒門

毒從小便出十日慎食毒物不瘥更服即馬兜鈴也

中諸蠱毒王瓜根大如指長三寸切以酒半升漬一宿服當吐下

一切蠱毒飲薺危汁立出

又方石蟹熱水磨服自下

又方霹靂礮一名雷揆出雷州并河東山澤間因雷震處掘地得之其形不一有似斧刀者有似銼刀者有二孔者取刮末服立下

解中蠱毒山豆根不以多少密遣人和水研已禁聲服少許不止再服

中蠱毒吐下血如猪肝茜草根蕺菜各三兩水四升煮二升頓服即愈自當呼蠱主姓名也

中蠱毒以清油多飲取吐

菜中蛇蠱蛇毒入菜果中食令人得病各蛇蠱大豆為末酒漬絞汁服半升

人頭面上有光他人手近之如火熾者此中蠱也用蒜汁半兩和酒服之當吐出如蛇狀

解中蠱毒胡荽根搗汁半升和酒服立下神驗

中蠱欲死馬齒莧搗汁一升飲并傳之日四五次

卒中蠱毒或吐血或下血皆如爛肝者苦瓠一枚水二升煮一升服立吐即愈

又方用苦酒一升煮苦瓠令消服之取吐神驗

蠱毒用東引桃枝白皮烘乾大戟蟄蚤去足翅熬三物等分為末以井水服半方寸匕即出不出更服或因酒得以酒服因食得以食服亦可以米泔丸服

中蠱腹痛面目青黃淋露骨立倒覆木心桑木心亦可取一斛水淹三寸煮至二斗澄清煎五升旦服五

禁辛、心病禁鹹、脾病禁酸、肺病禁苦、腎病禁甘、春不食肝、夏不食心、秋不食肺、冬不食腎、四季不食脾、辯曰、春不食肝者、爲肝氣王、脾氣敗、若食肝則又補肝、脾氣敗尤甚、不可救、又肝王之時、不可以死氣入肝、恐傷魂也、若非王時、即虛以肝補之、佳餘臟準此、凡肝臟自不可輕嗽、自死者彌甚、凡心皆爲神識、所舍勿食之、使人來生復其報對矣、凡肉及肝落地、不著塵土者、不可食之、猪肉落水浮者、不可食、諸肉及魚、若狗不食、鳥不啄者、不可食、諸肉不乾、火炙不動、見水自動者、不可食之、肉中有如朱點者、不可食之、六畜肉、熱血不斷者、不可食之、父母及身、本命肉食之、令人神魂不安、食肥肉及熱羹、不得飲冷水、諸五臟及魚、投地塵土、不污者、不可食之、穢飯、餒肉、臭魚、食之、皆傷人、自死肉、口閉者、不可食之、六畜自死、皆疫死、則有毒、不可食之、獸自死、北首及伏地者、食之、殺人、食生肉、飽飲、乳變成白蟲、疫死牛肉、食之、令病、洞下、亦致堅、積宜利藥下之、脯藏米甕中、有毒及經夏食之、發腎病、馬脚無夜眼者、不可食之、食酸馬肉、不飲酒、則殺人、馬肉不可熱食、傷人心、馬鞍下肉、食之、殺人、白馬黑頭者、不可食之、白馬青蹄者、不可食之、馬肉、狍肉、共食、飽醉、臥、大忌、驢馬肉、合猪肉、食之、成霍亂、馬肝及毛、不可妄食、中毒、害人、疫死牛、或目赤、或黃食之、大忌、牛肉、共猪肉、食之、必作寸白蟲、青牛腸、不可合犬肉食之、牛肺、從三月至五月、其中有蟲、如馬尾、割去、勿食、食則損人、牛羊猪肉、皆不得以楮木、桑木、蒸炙、食之、令

人腹內生蟲、噉蛇牛肉、殺人、何以知之、噉蛇者、毛髮向後、順者是也、羊肉、其有宿熱者、不可食之、羊肉、不可共生魚、酪食之、害人、羊蹄甲、中有珠子、白者、名羊懸筋、食之、令人癩、白羊黑頭、食其腦、作腸癰、羊肝、共生椒食之、破人五臟、猪肉、共羊肝、和食之、令人心悶、猪肉、以生胡荽、同食、爛人臍、猪脂、不可合梅子食之、猪肉、和葵食之、少氣、鹿肉、不可和蒲白、作羹食之、發惡瘡、麋脂、及梅李子、若妊婦、食之、令子青盲、男子、傷精、麋肉、不可合煨、及生菜、梅李、果食之、皆病人、痢疾、人不可食、熊肉、令終身不愈、白犬、自死、不出舌者、食之、害人、食狗鼠、餘、令人發瘡、婦人、妊娠、不可食、兔肉、山羊、肉、及鼈、鷄、鴨、令子無聲音、兔肉、不可合白鷄、肉食之、令人面發黃、兔肉、著乾薑食之、成霍亂、凡鳥、自死、口不閉、翅不合者、不可食之、諸禽、肉、肝、青者、食之、殺人、鷄、有六翻、四距者、不可食之、烏鷄、白首者、不可食之、鷄、不可共胡蒜食之、滯氣、山雞、不可合鳥獸肉食之、雉、肉、久食之、令人瘦、鴨、卵、不可合醃肉食之、婦人、妊娠、食、雀肉、令子淫亂、無恥、雀肉、不可合李子食之、燕肉、勿食、入水、爲蛟龍所噉、魚頭、正白、如連珠、至脊上、食之、殺人、魚頭中、無腮者、不可食、食之、殺人、魚無腸、臍者、不可食之、三年、陰不起、女子、絕生、魚頭、似有角者、不可食之、魚目、合者、不可食之、六甲、日、勿食、鱗甲之物、魚、不可合鷄肉食之、魚、不得合鷓鴣肉食之、鯉魚、鮮、不可合小豆、薑食之、其子、不可合猪肝食之、害人、鯉魚、不可合犬肉食之、鯽魚、不可合猴

雉肉食之一、云、不可合猪肝食、鯽魚、合鹿肉食、食、令人筋甲縮、青魚、鮮、不可合生胡荽、及生葵、并麥中食之、鰮鱸、不可合白犬血食之、龜肉、不可合酒、果子食之、鼈目、凹陷者、及厭下有王字形者、不可食之、其肉、不得合鷄鴨子食之、龜、鼈肉、不可合莧菜食之、鰕、無須、及腹下、通黑、莧之、反白者、不可食之、食膾、飲乳、酪、令人腹中、生蟲、爲瘕、蟹目、相向、足、斑、目、赤者、不可食之、凡蟹、未遇霜、多毒、其熟者、乃可食之、蜘蛛、落食中、有毒、勿食之、凡蜂、蠅、蟲、蟻、等多集、食上食之、致瘴、果實、穀、禁、忌、果子、生、實、生、瘡、果子、落地、經宿、蟲、蟻、食之者、人大忌食之、生米、停留、多日、有損、處、食之、傷人、桃子、多食、令人熱、仍不得入水、浴、令人病、淋、瀝、寒、熱、病、杏、酪、不熱、傷人、梅、多食、壞人齒、李、不可多食、令人臃脹、林、檣、不可多食、令人百脈弱、橘、柚、多食、令人口爽、不知五味、梨、不可多食、令人寒、中、金、瘡、產婦、亦不宜食、櫻桃、杏、多食、傷筋骨、安石、榴、不可多食、損人肺、胡桃、不可多食、令人動痰、飲、生、聚、多食、令人熱、渴、氣、脹、寒、熱、羸、瘦者、彌不可食、傷人、木耳、赤、色、及仰生者、勿食、茵、仰、卷、及赤、色、者、不可食、正月、勿食、生、蔥、令人面、生、游、風、二月、勿食、蓼、傷人腎、三月、勿食、小、蒜、傷人志、性、四月、八、日、勿食、胡、荽、傷人神、五月、勿食、韭、令人乏、氣、力、五、月、五、日、勿食、一切、生、菜、發、百、病、六、月、七、月、勿食、茱、萸、傷神氣、八、月、九、月、勿食、薑、傷人神、十、月、勿食、椒、損人心、傷心脈、十一、月、十二、月、勿食、薤、令人多

涕唾 四季勿食生葵令人飲食不化發百病非但
食中藥中皆不可用深宜慎之 時病差未健食生
菜手足必腫 夜食生菜不利人 十月勿食被霜
生菜令人面無光目澀心痛腰疼或發心瘧瘧發時
手足十指爪皆青困委 葱韭初生芽者食之傷人
心氣 飲白酒食生韭令人病增 生葱不可共蜜
食之殺人獨蒜蒜彌忌 聚合生葱食之令人病
生葱和雄雞雉白犬肉食之令人七竅經年流血
食糖蜜後四日內食生葱非令人心痛 夜食諸薑
蒜葱等傷人心 蕪菁根多食令人氣脹 蕪不可
共牛肉作羹食之成痕病非亦然 尊多食動痔疾
野豈不可同蜜食之作內痔 白豈不可共酪同
食作蠱蟲 黃瓜食之發熱病 葵心不可食傷人
葉尤冷黃背赤莖者勿食之 胡葵久食之令人多
忘 病人不可食胡葵及黃花菜 芋不可多食動
病 妊婦食薑令子餘指 蓼多食發心痛 蓼和
生魚食之令人奪氣陰欬疼痛 芥菜不可共兔肉
食之成惡邪病 小蒜多食傷人心力 扁豆寒熱
者不可食之 久食小豆令人枯燥 食大豆屑忌
噉猪肉 大麥久食令人作熱 白黍米不可同飴
蜜食亦不可合葵食之 苽麥麪多食之令人髮落
鹽多食傷人肺 食冷物冰人齒 食熱物勿飲
冷水 飲酒食生蒼耳令人心痛 夏月大醉汗流
不得冷水洗著身及使扇即成病 飲酒大忌灸腹
背令人腸結 醉後勿飽食發寒熱 飲酒食猪肉
臥秋稻穰中則發黃 食飽多飲酒大忌 凡水及
酒照見人影動者不可飲之 酢合酪食之令人血

痕 食白米粥勿食生蒼耳成走疰 食甜粥已食
鹽即吐 犀角筋攪飲食沫出及澆地墳起者食之
殺人 礬石生入腹破人心肝亦禁水 商陸以水
服殺人 葶藶子傳頭瘡藥成入腦殺人 水銀入
人耳及六畜等皆死以金銀著耳邊水銀則吐 苦
棟無子者殺人
應劭風俗通

論飲食諸毒

禽獸自死者俱有毒不可食 魚無腮者有毒腮大
者亦有毒 龍肚下有紅藻紋者有毒 蟹腹下有
毛者有毒 煮酒初出火者有毒江南謂之火頭酒
飲之則生痔溢血 夏月飲食但過宿者即有毒
夏月酒在銅錫器中過夜即有毒 銅氣蓋熱食氣
上蒸成汗滴下食中即有毒 炊湯過宿飲之有毒
盥洗則生疥 桃杏仁雙仁者毒能殺人 果未成
核者俱有毒令人發瘡癰 夏秋果熟落地蟲緣者
有毒人食之作漏 屋漏水有毒人食之有脹而死
者用之沐手則生浸淫之疥屢驗 澤中死水有毒
飲之令人生瘕 湯池中溫泉水不可飲令人脹悶
惟澡浴可以疎風愈疥癩蓋其泉自硫黃中出故溫
也患疥者宜飽食入浴之連日數次汗透而愈體虛
者不可輕浴

唐孫思邈千金方

論五石

人不服石以庶事不佳惡瘡疥癰溫疫瘧疾年年常
患寢食不安與居常惡非止已事不康生子難育所
以石在身中萬事休泰要不可服五石也人年三十

以上可服石藥若素肥充亦勿妄服四十已上必須
服之五十已上三年可服一劑六十已上二年可服
一劑七十已上一年可服一劑
又曰人年五十已上精華消歇服石猶得其力六十
已上轉惡服石難得力所以常須服石令人手足溫
煖骨髓充實能消生冷舉措輕便復耐寒暑不著諸
病是以大須服之凡石皆熱鍊用之凡石之發當必
惡寒頭痛心悶發作有時狀如溫瘧但有此兆無過
取冷水淋之得寒乃止一切冷食惟酒須溫

又曰凡服石人甚不得雜食口味雖百品具陳終不
用重食其肉諸雜既重必有相賊聚積不消遂動諸
石如法時心將攝得所石藥為益善不可加余年三
十八九常服五六兩乳自是以來深深體悉至於將
息節度頗識其性養生之士宜留意詳焉然其乳石
必須土地清白光潤羅紋鳥翻一切皆成白可入服
其非土地者慎勿服之多皆殺人甚於鴆毒紫石白
石極須外內映澈光淨皎然非此亦不可服寒石五
石更生散方舊說此藥方上古名賢無此漢末有何
侯者行用自皇甫士安已降有進餌者無不發背解
體而取顛覆余自有識性已來親見朝野仕人遭者
不一所以寧食野葛不服五石明其大猛毒不可
不慎也有識者遇此方即須焚之勿久留也

論解百藥毒

甘草解百藥毒實如湯沃雪有同神妙有人中烏頭
巴豆毒甘草入腹即定中黎蘆毒葱湯下咽便愈中
野葛毒土漿飲訖即止如此之事其驗如反掌要使
人皆知之然人皆不肯學誠可歎息方稱大豆汁解

百藥毒余每試之大惡絕不及甘草又能加之為甘

豆湯其驗尤奇有人服玉壺丸致嘔不能已百藥與

之不止藍汁入口即定如此之事皆須知之此則成

規更不須試練也解毒方中條例極多若不指出

二學者不可卒知餘方例爾 石藥毒用白鴨尿人

參汁 雄黃毒用防己 鐵粉毒用磁石 礬石毒

用大豆汁白鴉骨 防葵毒用葵根汁 大戟毒用

菖蒲汁 桔梗毒用白粥 甘遂毒用大豆汁 藺

藹毒用梔子汁 雞子毒用淳酢 馬刀毒用清水

野芋毒用土漿人糞汁 杏仁毒用藍子汁 百

藥毒用甘草薺危大小豆汁藍葉根實汁 金銀毒

用水銀服數兩即出雞子汁及尿白燒猪脂和水淋

雞尿汁 芫花毒用防己防風甘草桂汁 野葛毒

用雞子清葛根汁甘草汁鴨頭熱血猪膏雞屎人尿

藜蘆毒用雄黃溫湯煮葱汁 烏頭天雄附子毒

用大豆汁遠志防風棗肉飴糖 射罔毒用藍汁大

小豆汁竹瀝大麻子汁藕菱汁六畜血貝齒屑蚯蚓

屎 半夏毒用生薑汁及煮乾薑汁 芫若毒用薺

危甘草犀角蟹汁升麻 狼毒毒用杏仁藍汁白薇

鹽汁木占斯 巴豆毒用煮黃連汁大豆汁菖蒲汁

生薑汁附從云煮寒水石汁 蜀椒毒用葵子汁蒜

桂汁敗汁人尿冷水土漿雞毛燒吸煙及調水服

蟹螯芫青毒用猪膏大豆汁戎鹽藍汁鹽湯煮猪膏

巴豆 服藥過劑因亂者用水和胡椒粉和葛粉地

解一切飲食毒

芝麻油總能解一切飲食諸毒不可不知凡造餠饌

必先用真麻油於淨鍋熬熟却下肉炒過然後入清

水煮之則並不犯毒今徽州池州地方食牛肉不論

春夏無日不食惟製之有方所以鮮有中毒但犯一

切飲食毒者即用麻油一二杯飲之得吐即毒釋而

無不愈者

善解毒者無如火蓋火能革物之性

解一切藥毒

凡解諸藥毒者宜以薺危汁白扁豆汁萊豆汁甘草

汁錫糖汁米糖汁薑退紙燒灰隨便用之俱可解

凡解毒藥湯劑不可熱服宜涼飲之蓋毒得熱而勢

愈盛也雖然此特以熱毒為言耳若解木龍蘭草黃

連石膏之類以中陰毒者豈仍避熱而猶堪以寒飲

乎

石室祕錄 臣陳士鐸著

中砒毒

世人有服砒霜之毒五臟欲裂者腹必大痛舌必伸

出眼必流血而死最可憐也方用瀉毒神丹大黃二

兩生甘草五錢白礬一兩當歸三兩水煎湯數碗飲

之立時大瀉則生否則死矣此砒毒已入於臟非可

用羊血生甘草上吐而愈我所以又變下法救之飲

之而不瀉此腸已斷矣又何救乎倘用之早未有不

生者不可執吐法而無變通若初飲砒毒莫妙用生

方

潔古解毒丸

善治男子婦人及小兒一切積熱不解停留作毒

上焦壅熱咽喉不利口乾多渴伏暑困悶霍亂不

寧或山嵐瘴氣及食毒酒毒吐逆不定遊風丹毒

迷惑昏困不省人事虛煩發躁目赤口瘡善解四

時傷寒之疾發散瘟疫毒邪之氣及四方人不

水土一切諸毒並皆解之常服補真益氣化毒除

風神效不可細述

滑石 黃芩 貫衆 茯苓 山梔子 乾薑

草龍膽 大豆 青黛 甘草 薄荷 寒水石各

一兩 百藥煎 砂仁 大黃 山豆根 桔梗

生地 益智 紫河車休養 萊豆粉 馬屁勃

板藍根 黃藥子各半兩

右為細末煉蜜為丸如彈子大每服一丸新汲水

化下細嚼或噙化亦得小兒半丸如婦人血運不

省生薑薄荷水磨下一丸

解毒丸

解世間一切不測毒

山豆根 山慈姑 萊豆粉各三兩 板藍根

土馬櫻 黃藥子 紫河車 續隨子仁 木通

盆硝 藿香 五味子 薄荷 貫衆 寒水石

白殭蠶 乾葛 雄黃 百藥煎 茜草根

大黃 朱砂各二兩 麝香半兩 甘草臘月竹筒